



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUOTLALELETSO YA BOBEDI (SAL)

PAMPIRI YA BOBEDI (P2)

NGWANAITSEELE 2011

MADUO: 80

NAKO: 2 diura

Pampiri e, e na le ditsebe di le 7.

DITAELO

1. Pampiri e, e arogantswe ka DIKAROLO di le THARO e leng A, B le C.

KAROLO YA A: Tlhamo (40)

KAROLO YA B: Ditlhangwa tse dileele tsa tirisano gammogo le ditlhangwa tse di dirisang mekgwa e e farologaneng ya tlhaeletsano (20)


KAROLO YA C: Ditlhangwa tse dikhutshwane tsa tirisano/tshupetso/tshedimosetso/pono/gammogo le ditlhangwa tse di dirisang mekgwa e e farologaneng ya tlhaeletsano (20)
2. Baithuti ba tshwanetse go araba potso e le NNGWE go tswa mo karolong e nngwe le e nngwe.
3. Kwala ka puo e o tlhatlhojwang ka yona.
4. Karolo e NNGWE le e NNGWE e simololwe mo tsebeng e NTŠHWA.
5. Dira lenaneo la letlhomese/lenaneopaakanyo, buisa mme o siamise tiro ya gago, netefatsa gore lenaneo la letlhomese/lenaneopaakanyo la tlhamo le tlhagelele pele ga tlhamo.
6. Thala mola morago ga letlhomese/lenaneopaakanyo.
7. Dirisa nako jaana:

60 METSOTSO KAROLO YA A
30 METSOTSO KAROLO YA B
30 METSOTSO KAROLO YA C
8. Dipalo di tsamaelane le dipotso.
9. Naya tlhamo ya setshwantsho setlhogo.
10. Kwala sentle ka mokwalo o o buisegang.

KAROLO YA A: TLHAMO**POTSO 1**

Kwala tlhamo ya boleele jwa mafoko a a ka nnang 200–250 ka ga NNGWE fela ya ditlhogo tse di latelang kgotsa ditshwantsho tse di neilweng. Fa o dirisa setshwantsho go kwala tlhamo, se neele setlhogo se se maleba. O se ka wa lebala go thala letlhomeso/lenaneopaakanyo pele o kwala.

- 1.1 Bosenyi jo o kileng wa bo bona bo diragala. [40]
- 1.2 Letsatsi la go tlhopha moporesitente wa baithuti. [40]
- 1.3 Lebelela setshwantsho se se latelang, mme o kwale tlhamo ka ga sona.



[Matlhasedi, M Mogapi le K Mohulatsi]

[40]

- 1.4 Lebelela setshwantsho se se latelang, mme o kwale tlhamo ka ga botlhokwa jwa thuto ya bagolo.




[Re aga setšhaba, T Moyo]

[40]

- 1.5 Bana ba tsena mo kotsing ka ntlha ya tiriso e e sa siamang ya mogala wa letheke (cellphone).

[40]

- 1.6 Setshwantsho se se latelang se mabapi le go itshidila mmele. Kwala tlhamo ka ga sona.




[Setswana Tota, ME Serobatse]

[40]

- 1.7 Puso ya tla ya namola tlala mo dikolong ka thuso ya dijo.

[40]

- 1.8 Lebelela setshwantsho se se latelang, mme o kwale tihamo ka ditiragalo tse di tlhagelelang mo go sona.



[Matlhasedi, M Mogapi le K Mohulatsi]

[40]

PALOGOTLHE YA KAROLO YA A:

40

KAROLO YA B: DITLHANGWA TSE DILEELE TSA TIRISANO**POTSO 2**

Araba potso e le NNGWE fela mo KAROLONG YA B. Karabo e nne boleele jwa mafoko a a ka nnang 80–100.

- 2.1 Lebelela setshwantsho se se latelang, morago o kwale **mmuisano** o o tsamaisanang le sona.



[Re aga setšhaba, T Moyo]

- 2.2 O falotse ditlhatlhobo tsa Mophato wa 12 bontle. Kwalela mmasepala wa kgaolo ya lona **lekwalo la semmuso** o kope thuso ya madi a go tswelletsa pele dithuto tsa gago. [20]
- 2.3 Baithuti ba Mophato wa 12 ba ne ba tsere loeto go ya kwa serapeng sa diphologolo. Kwalela mogokgo **pegelo**, o bege ka bakgweetsi ba ba neng ba kgweetsa ba nole bojalwa e bile ba sa obamele melao ya tsela. [20]
- 2.4 Tsala ya gago e bone maemo a ntlha mo dikgaisanong tsa mmino, mo kwalele **lekwalo la botsalano** o mo lebogise ka katlego e a e boneng. [20]

PALOGOTLHE YA KAROLO YA B: 20

KAROLO YA C: DITLHANGWA TSE DIKHUTSHWANE TSA TIRISANO**POTSO 3**

Araba potso e le NNGWE fela mo KAROLONG YA C. Karabo e nne boleele jwa mafoko a a ka nnang 60–80.

- 3.1 Lo simolotse porojeke ya tshingwana ya merogo kwa kerekeng ya lona, thala **phasalatso** e ka yona o tla ngokang bareki. [20]
- 3.2 Kwala **karata ya taletso** e mo go yona o laletsang ba ga rre Moilwe tshirilolo ya letlapa la ga rremogolo wa gago. [20]
- 3.3 Morutabana wa lona o tla bo a se teng ka Labotlhano, mme o go laetse go nna motlhokomedi wa nakwana mo phaposiborutelong ka letsatsi leo. Kwala **ditaello** tse o kopilweng go di neela baithuti. [20]

PALOGOTLHE YA KAROLO YA C: 20
PALOGOTLHE: 80